

ელექტრონული არხების საშუალებით მიღებული
კრედიტის/ოვერდრაფტის/საგანგებო ავანსის ხელშეკრულების სტანდარტული პირობები

შინაარსი

1. ტერმინთა განმარტებები	3
2. განცხადებები და გარანტიები	4
3. კრედიტით/საგანგებო ავანსით/ოვერდრაფტით სარგებლობის წესი	4
3.1. კრედიტის/ოვერდრაფტის/საგანგებო ავანსის გაცემა/დამტკიცება	4
3.2. კრედიტის და მასთან დაკავშირებული გადასახდელების დაფარვის წესი	4
3.3. ოვერდრაფტის და მასთან დაკავშირებული გადასახდელების დაფარვის წესი	4
3.4. საგანგებო ავანსის და მასთან დაკავშირებული გადასახდელების დაფარვის წესი	5
3.5. მონიტორინგი და ინფორმაციის წარდგენის წესი	5
4. კრედიტის, ოვერდრაფტის პროლონგირება	5
4.1. კრედიტის პროლონგირება	5
4.2. ოვერდრაფტის პროლონგირება	5
5. პროცენტის დარიცხვის და შეცვლის წესი	5
6. უზრუნველყოფის საშუალებები	5
7. მხარეთა პასუხისმგებლობა	5
8. ხელშეკრულების მოქმედება და შეწყვეტა	6
9. მარეგულირებელი კანონმდებლობა და დავების გადაწყვეტა	6
10. ბანკში პრეტენზიის წადგენის წესი	6
11. კომუნიკაცია	7
12. კონფიდენციალურობა და პირადი ინფორმაცია	7
13. დასკვნითი დებულებები	7
#1 დანართი – მომსახურების საკომისიოები	8

I. ტერმინთა განმარტებები

- 1.1. თუ წინამდებარე ხელშეკრულებით სხვა რამ არ არის განსაზღვრული ან/და მისი კონტექსტიდან სხვა რამ არ გამოდინარეობს, ქვემოთმოცემულ ტერმინებს ენიჭებათ შემდეგი მნიშვნელობა:
 - 1.1.1. **ანგარიში - ბანკში** არსებული **მსესხებლის** საბანკო ანგარიშ(ებ);
 - 1.1.2. **ბანკი** - სს „ლიბერთი ბანკი“ (ს/კ 203828304), რომელიც წარმოადგენს ხელშეკრულების მხარეს;
 - 1.1.3. **ბანკომატი** - ბანკის თვითმომსახურების ელექტრონული პროგრამულ-ტექნიკური მოწყობილობა, რომლის საშუალებითაც მსესხებელს, რომელიც იმავდროულად წარმოადგენს ბანკის საბანკო ბარათის მფლობელს შეუძლია ხელშეკრულებით განსაზღვრული საგანგებო ავანსის ან/და ოვერდრაფტის გაქტიურება, ნაღდი ფულის გამოტანა/შეტანა ან/და სხვა ისეთი ოპერაციების წარმოება, როგორცაა ანგარიშზე არსებული ნაშთის შესახებ ინფორმაციის მიღება, გადახდების განხორციელება და სხვა;
 - 1.1.4. **განცხადებები და გარანტიები** - სტანდარტული პირობების მე-2 მუხლში მოცემული მსესხებლის განცხადებები და გარანტიები;
 - 1.1.5. **დანართი - მხარეთა** მიერ ხელმოწერილი ნებისმიერი დამატებითი დოკუმენტები (მათ შორის და არამარტო ხელშეკრულების #1 დანართი - მომსახურების საკომისიო), რომელიც აზუსტებს, ცვლის ან/და წყვეტს ხელშეკრულებას ან/და მის პირობებს და წარმოადგენს ხელშეკრულების განუყოფელ ნაწილს;
 - 1.1.6. **ელექტრონული არხი - ბანკომატი, მობილური ტელეფონი, USSD მენიუ** ან/და სხვა ელექტრონული ხელსაწყო/პროგრამული უზრუნველყოფა, რომლის საშუალებითაც მსესხებელს შესაძლებლობა ეძლევა ისარგებლოს კრედიტით/ოვერდრაფტით/საგანგებო ავანსით;
 - 1.1.7. **ელექტრონული განაცხადი** - ელექტრონული, ოპტიკური ან სხვა მსგავსი საშუალებ(ებ)ის (მათ შორის ბანკომატის, მობილური ტელეფონის, USSD მენიუს და სხვა) გამოყენებით შექმნილი და მსესხებლისათვის მიწოდებული წერილობითი ინფორმაცია, რომელსაც ეთანხმება მსესხებელი და ადასტურებს მის (მსესხებლის) ნებას ხელშეკრულების დადებისთან დაკავშირებით და რომელიც ითვლება მსესხებლის მიერ მატერიალურ დოკუმენტზე თანხმობის განცხადების/ნების გამოხატვის თანაბარი ოურიდიული ძალის მქონედ;
 - 1.1.8. **თანხის გადახარჯვა ან ოვერლიმიტი** - (ა) ოვერდრაფტით სარგებლობისას, ანგარიშზე (მათ შორის საბარათე ანგარიშზე) ათვისებული საკრედიტო ნაშთი, რომელიც გადააჭარბებს ხელშეკრულებით დადგენილ ოვერდრაფტის საკრედიტო ნაშთის ლიმიტს; (ბ) ბანკის მიერ ოვერდრაფტის ცალმხრივად შექმნისას, ანგარიშზე (მათ შორის საბარათე ანგარიშზე) ათვისებული საკრედიტო ნაშთი, რომელიც გადააჭარბებს ოვერდრაფტის შეჩერების მომენტისათვის დაფიქსირებულ საკრედიტო ნაშთის მოცულობას, ხოლო (გ) ოვერდრაფტის შეჩერების შემდგომ საკრედიტო დავალიანების შემცირებისას/დაფარვისას, ათვისებული საკრედიტო ნაშთი, რომელიც გადააჭარბებს შემცირების შედეგად დაფიქსირებულ უმცირეს საკრედიტო ნაშთის მოცულობას;
 - 1.1.9. **კანონმდებლობა** - საქართველოს მოქმედი საკანონმდებლო და კანონქვემდებარე ნორმატიული აქტების, აგრეთვე საქართველოს ნორმატიულ აქტთა სისტემაში მოქცეული საქართველოს საერთაშორისო ხელშეკრულებების და შეთანხმებების ერთობლიობა;
 - 1.1.10. **კონფიდენციალური ინფორმაცია** - თუ ხელშეკრულებით სხვა რამ არ არის განსაზღვრული, ხელშეკრულების ხელმოწერის ან/და მისი შესრულების შედეგად ერთ-ერთი მხარის მიერ მეორე მხარის შესახებ მიღებული, დამუშავებული, შექმნილი ან/და გაგზავნილი ნებისმიერი ინფორმაცია/დოკუმენტაცია (მათ შორის ინფორმაცია/დოკუმენტაცია მხარის პერსონალური, წილობრივი, ფინანსური მონაცემების, მხარის მფლობელი/მმართველი/ურთიერთდაკავშირებული პირ(ებ)ის, მესამე პირ(ებ)თან არსებული გარიგებ(ებ)ის, მფლობელობაში არსებული მოძრავი ან/და უძრავი ობიექტ(ებ)ის, ბიზნეს პროცესის/პროცედურების, მარკეტინგული სტრატეგიის, პროექტ(ებ)ის ან/და სხვა სახის მონაცემების შესახებ) ან/და სხვა მნიშვნელოვანი ინფორმაცია/დოკუმენტაცია;
 - 1.1.11. **კრედიტი ან სწრაფი სამომხმარებლო კრედიტი „ლიბერთი ექსპრესი“ ან ლიბერთი ექსპრესი** - დაბრუნების, ფასიანობის, უზრუნველყოფისა და ვადიანობის საწყისებზე ბანკის მიერ მსესხებლისათვის გასაცემი თანხის მოცულობა;
 - 1.1.12. **კრედიტთან/ოვერდრაფტთან/საგანგებო ავანსთან დაკავშირებული გადასახდებები/მასთან დაკავშირებული გადასახდებები - ხელშეკრულებით განსაზღვრული კრედიტის/ოვერდრაფტის/საგანგებო ავანსის მომსახურების საკომისიო** (ასეთის არსებობისას), **კრედიტის, ოვერდრაფტის, საგანგებო ავანსის** ვადაგადაცილების ერთჯერადი პირგასამტებლო (ასეთის არსებობისას), **კრედიტის, ოვერდრაფტის, საგანგებო ავანსის** ვადაგადაცილების ყოველდღიური პირგასამტებლო (ასეთის არსებობისას), **კრედიტის ან/და ოვერდრაფტის** პროლონგაციის საკომისიო (ასეთის არსებობისას), **კრედიტის დეფოლტის** ერთჯერადი პირგასამტებლო (ასეთის არსებობისას) ან/და ხელშეკრულებიდან გამომდინარე ნებისმიერი ხარჯი (მათ შორის და არამარტო სასამართლო დავასთან, სააღსრულებო წარმოებასთან დაკავშირებული ხარჯები, ზიანის/ზარალის ანაზღაურების თანხები და სხვა);

- 1.1.13. **კრედიტის დეფოლტი** - კრედიტის სტატუსი, რომელიც წარმოიშობა კრედიტის უწყვეტ ვადაგადაცილებაში ყოფნის მე-60 კალენდარულ დღეს. კრედიტის დეფოლტის დადგომისას ბანკი ახორციელებს დეფოლტის ერთჯერადი პირგასამტებლოს (ასეთის არსებობისას) დარიცხვას და წყვეტს კრედიტის თანხაზე სხვა ყველანაირი საკომისიოს, პროცენტის, პირგასამტებლოს დარიცხვას;
- 1.1.14. **კრედიტის მომსახურე ანგარიში - ბანკის** მიერ განსაზღვრული ანგარიში, რომელზეც განთავსებული ფულადი სახსრებით ხორციელდება ათვისებული კრედიტის თანხების ან/და კრედიტთან დაკავშირებული გადასახდებების გადახდა;
- 1.1.15. **კრედიტის თანხა - ხელშეკრულების** საფუძველზე მსესხებლის მიერ კრედიტის სახით ათვისებული/მიღებული თანხები; **მესამე პირ(ებ)ი** - ნებისმიერი პირი, რომელიც არ წარმოადგენს ხელშეკრულების მხარეს;
- 1.1.16. **მობილური ტელეფონი** - ფიჭური კავშირგაბმულობის ქსელში ჩართული ტელეფონი;
- 1.1.17. **მსესხებელი - პირი**, რომელიც ელექტრონული არხის საშუალებით ელექტრონული განაცხადის საფუძველზე ეთანხმება წინამდებარე სტანდარტულ პირობებს და წარმოადგენს ხელშეკრულების მხარეს;
- 1.1.18. **მხარე/მხარეები - ბანკი** ან/და მსესხებელი კონტექსტის შესაბამისად;
- 1.1.19. **ოვერდრაფტი** - დაბრუნების, ფასიანობის, უზრუნველყოფისა და ვადიანობის საწყისებზე ხელშეკრულების პირობების შესაბამისად მსესხებლის ანგარიშზე (მათ შორის საბარათე ანგარიშზე) ხელისაწვდომი თანხა - საკრედიტო ნაშთი, რომლითაც არაერთჯერადად, სრულად ან ნაწილობრივ სარგებლობს მსესხებელი და რომელიც, თუ ბანკსა და მსესხებელს შორის სხვა რამ არ არის შეთანხმებული, ავტომატურად დაიფარება მსესხებლის ანგარიშზე თანხის ასახვისას;
- 1.1.20. **პირგასამტებლო (ჯარიმა)** - ფულადი თანხა, რომლის გადახდის ვალდებულებაც შესაბამის მხარეს წარმოეწევა მის მიერ ნაკისრი ვალდებულებების შეუსრულებლობის ან/და არაკერძოაზი მისრულების შედეგად. პირგასამტებლოს მოცულობა განსაზღვრულია ხელშეკრულების #1 დანართით;
- 1.1.21. **პირი/პირები** - ფიზიკური პირ(ებ)ი, ოურიდიული პირ(ებ)ი (მათ შორის საჯარო სამართლის ოურიდიული პირ(ებ)ი), არასამეწარმეო (არაკომერციული) ოურიდიული პირ(ებ)ი ან/და კანონმდებლობის საფუძველზე შექმნილი სხვა ორგანიზაციული/არარეგისტრირებული წარმონაქმნ(ებ)ი;
- 1.1.22. **პროცენტი - ხელშეკრულების** საფუძველზე განსაზღვრული საპროცენტო განაკვეთის მოცულობა, რომელიც იანგარიშება მსესხებლის მიერ კრედიტის, ხოლო საგანგებო ავანსის ან/და ოვერდრაფტის შემთხვევაში - ოვერდრაფტის, საგანგებო ავანსის ძირითადი (ოვერლიმიტის, საგანგებო ავანსის თანხით) სარგებლობის ფაქტორული დღეების შესაბამისად, წელიწადში 365 (სამას სამოცდახუთი) კალენდარულ დღეზე გაანგარიშებით. თუ ბანკი ვადამდე ცალმხრივად შეწყვეტს ან ხელშეკრულებას, პროცენტის დარიცხვა გრძელდება და გადახდას ექვემდებარება იძულებითი ან მსესხებლის მიერ ნებაყოფლობითი აღსრულების მომენტისათვის გაანგარიშებული თანხით. პროცენტი განსაზღვრულია ხელშეკრულების #1 დანართით;
- 1.1.23. **საგანგებო ავანსი** - დაბრუნების, ფასიანობის, უზრუნველყოფისა და ვადიანობის საწყისებზე ხელშეკრულების პირობების შესაბამისად მსესხებლის ანგარიშზე (მათ შორის საბარათე ანგარიშზე) ხელისაწვდომი თანხა - საკრედიტო ნაშთი, რომლითაც არაერთჯერადად, სრულად ან ნაწილობრივ სარგებლობს მსესხებელი და რომელიც, თუ ბანკსა და მსესხებელს შორის სხვა რამ არ არის შეთანხმებული, ავტომატურად დაიფარება მსესხებლის ანგარიშზე თანხის ასახვისას;
- 1.1.24. **საკომისიო - ხელშეკრულების** საფუძველზე, კრედიტით, ოვერდრაფტით ან/და საგანგებო ავანსით სარგებლობისათვის ბანკის მიერ კლიენტისათვის დაწესებული გადასახადი, რომლის ოდენობა და გადახდის პირობები განსაზღვრულია ხელშეკრულების #1 დანართის შესაბამისად;
- 1.1.25. **საბანკო დღე - ბანკის** მიერ დადგენილი სამუშაო დღის (ბანკის მიერ განსაზღვრული დასვენების ან/და კანონმდებლობით დადგენილი უქმე დღეების გარდა) ის ნაწილი, რომლის განმავლობაშიც ბანკი ახორციელებს საბანკო მომსახურებას;
- 1.1.26. **სტანდარტული პირობები** - წინამდებარე დოკუმენტით დადგენილი ელექტრონული არხების საშუალებით მიღებული კრედიტის/საგანგებო ავანსის/ოვერდრაფტის ხელშეკრულების სტანდარტული პირობები, რომელიც წარმოადგენს ხელშეკრულების განუყოფელ ნაწილს და განთავსებულია ბანკის ვებ-გვერდზე: <http://www.libertybank.ge>;
- 1.1.27. **ხელშეკრულება - მსესხებლის** მიერ ელექტრონული არხის საშუალებით ბანკისათვის წარდგენილი ელექტრონული განაცხადის, სტანდარტული პირობების ან/და ნებისმიერი დამატებითი განაცხად(ებ)ის, დანართ(ებ)ის ერთობლიობა, რომელიც დაიდო/დაიდება ხელშეკრულებასთან დაკავშირებით და წარმოადგენს მის განუყოფელ ნაწილს;
- 1.1.28. **USSD მენიუ** - ფიჭური კავშირგაბმულობის კომპანიების პროგრამული უზრუნველყოფა, რომლის საშუალებითაც მსესხებელი უფლებამოსილია მობილური ტელეფონით დააგენერიროს ელექტრონული განაცხადი და ისარგებლოს კრედიტით, საგანგებო ავანსით ან/და ოვერდრაფტით.

2. განცხადებები და გარანტიები

2.1. **მსესხებელი** აცხადებს და გარანტიას იძლევა, რომ:

2.1.1. წარმოადგენს უფლებსაუწარიან და ქმედსაუწარიან პირს, რომელსაც **ხელშეკრულების** დადების მიზნით მოპოვებულ აქვს ყველა საჭირო თანხმობა, ნებართვა ან/და დაჯავლება (მინდობილობა);

2.1.2. მის მიერ **ხელშეკრულების** დადება ან/და შესრულება არ მოდის წინააღმდეგობაში **კანონმდებლობასთან** (მათ შორის **მსესხებლის** იურისდიქციის კანონმდებლობასთან), საერთაშორისო ნორმებთან ან/და სხვა სახის დოკუმენტებთან, არ იწვევს სხვა სახელშეკრულებო ურთიერთობებით ნაკისრი/განსაზღვრული ვალდებულებების დარღვევას და არ წარმოადგენს **მესამე პირ(ებ)ისათვის ხელშეკრულებაზე შეცდომის უფლებას**;

2.1.3. **მსესხებელი** არ მონაწილეობს სასამართლო ან/და საარბიტრაჟო დავაში, ადმინისტრაციულ წარმოებებში, რომელიც ხელს შეუშლის მის მიერ **ხელშეკრულებით** ნაკისრი ვალდებულებების სრულ და ჯეროვან შესრულებას;

2.1.4. წარმოადგენს გადახდისუნარიან პირს, რომლის მიმართ არ მიმდინარეობს გადახდისუნარიანობის (გაკოტრების ან რეაბილიტაციის) საქმისწარმოება, ლიკვიდაციის პროცესი ან/და არ არსებობს სხვა სახის გარემოება, რომელიც ხელს შეუშლის მის მიერ **ხელშეკრულებით** ნაკისრი ვალდებულებების სრულ და ჯეროვან შესრულებას;

2.1.5. **ხელშეკრულების** დადების მიზნით, **ბანკისათვის** წარდგენილი ინფორმაცია არის უტყუარი და ზუსტი, ხოლო დოკუმენტები წარმოადგენს სრულ და მოქმედ რედაქციას;

2.1.6. **მსესხებელი** არ მონაწილეობს, პირდაპირ ან არაპირდაპირ, რაიმე უკანონო საქმიანობაში (მათ შორის, ფულის გათეთრებაში, იარაღით ვაჭრობაში, ნარკოტიკებით ვაჭრობაში ან/და ტერორიზმში), რომელიც ეწინააღმდეგება ნებისმიერი იურისდიქციის კანონმდებლობას;

2.1.7. **ხელშეკრულების** დადებისას **ბანკის** ან/და **მესამე პირ(ებ)ის** მხრიდან ადგილი არ ჰქონია, **მსესხებლის** ან/და მისი ახლობლების მიმართ იძულებას, მოტყუებას ან/და მუქარას, **ბანკს** არ უსარგებლია **მსესხებლის** მიმე ფინანსური მდგომარეობით და არ გამოუყენებია ბოროტად **ბანკის** საბაზრო ძალაუფლება;

2.1.8. **მსესხებელი** არის საშუალო სრულად გაეცნო და მისთვის მისაღებია **ელექტრონული განაცხადი** და **კანონმდებლობის** საფუძველზე დადგენილი ხელშეკრულების მნიშვნელოვანი პირობები;

2.1.8. სრულად გაეცნო და მისთვის მისაღებია **ხელშეკრულების** პირობები (მათ შორის ერთმნიშვნელოვნად **პროცენტის**, **პირგასამტეხლოს** (ასეთის არსებობისას) და **ხელშეკრულების #1 დანართით** განსაზღვრული **საკომისიოს** (ასეთის არსებობისას) მოცულობა და ადასტურებს, რომ **ხელშეკრულებით** განსაზღვრული **პირგასამტეხლო** არ არის შესაბამისი მალაი **პირგასამტეხლო**;

2.1.9. **მსესხებელი ბანკის** წინასწარი წერილობითი თანხმობის გარეშე არ აღებს რაიმე სახის სხვა დამატებითი ფინანსური ვალდებულებებს(ებ)ს.

2.2. **მსესხებელი** ვალდებულია დაუყოვნებლივ შეატყობინოს **ბანკს** ნებისმიერი გარემოების შესახებ, რამაც შესაძლოა გამოიწვიოს **ხელშეკრულებაში** მითითებული **განცხადებების** და **გარანტიების** ან/და **ხელშეკრულებით** ნაკისრი ნებისმიერი ვალდებულებების დარღვევა, ხოლო **ბანკის** მოთხოვნის შემთხვევაში, **ბანკის** მიერვე განსაზღვრულ ვადაში, მიაწოდოს მას ნებისმიერი სახის დოკუმენტაცია/ინფორმაცია **მსესხებლის** ფინანსური მდგომარეობის შესახებ.

2.3. **მხარეები** აცხადებენ და თანხმდებიან, რომ **ხელშეკრულებას** დებენ **განცხადებებსა და გარანტიებზე** დაყრდნობით და თვლიან მათ **ხელშეკრულების** პირობად. შესაბამისად, **ხელშეკრულებით** გათვალისწინებული **განცხადებების** და **გარანტიების** დარღვევა საკმარის საფუძველს წარმოადგენს **ბანკის** მიერ **ხელშეკრულებით** გათვალისწინებული ვალდებულებების შესრულებაზე (მათ შორის **კრედიტის/ოვერდრაფტის/საგანგებო ავანსის** გაცემაზე) ცალმხრივი უარის სათქმელად ან/და **ხელშეკრულების** გალხრვიად შესაწყვეტად.

3. კრედიტით/საგანგებო ავანსით/ოვერდრაფტით სარგებლობის წესი

3.1. **კრედიტის/ოვერდრაფტის/საგანგებო ავანსის გაცემა/დამტკიცება**

3.1.1. **მსესხებელი**, **ელექტრონული არხის** საშუალებით **ელექტრონული განაცხადის** **ბანკისათვის** წარდგენისას: (ა) ადასტურებს, რომ გაეცნობილია **სტანდარტულ პირობებს**, (ბ) ეთანხმება **ბანკის** მიერ **ელექტრონული არხის** საშუალებით წინასწარ შეთავაზებულ **კრედიტის, ოვერდრაფტის ან/და საგანგებო ავანსის** პირობებს, მათ შორის ერთმნიშვნელოვნად ეთანხმება და სურს **ხელშეკრულების** დადება, (გ) მისთვის მისაღებია **ელექტრონული არხის** საშუალებით შეთავაზებული **კრედიტის, საგანგებო ავანსის ან/და ოვერდრაფტის** დამტკიცება, **პროცენტის**, **მოცემების** ვადა, **პირგასამტეხლოს** (ასეთის არსებობისას) და **საკომისიოს** მოცულობა (ასეთის არსებობისას);

3.1.2. **მსესხებელი** აღიარებს და აცხადებს თანხმობას, რომ **ხელშეკრულების** შესაბამისად **კრედიტის, საგანგებო ავანსის ან/და ოვერდრაფტის** გაცემა დამოკიდებულია მხოლოდ **ბანკის** ნებაზე. **ბანკი** ყოველ კონკრეტულ შემთხვევაში განიხილავს **კრედიტის, საგანგებო ავანსის ან/და ოვერდრაფტის** გაცემის საკითხს და დამოუკიდებლად წყვეტს მას. **ხელშეკრულება** არ ავალდებულებს **ბანკს** ნებისმიერ შემთხვევაში გასცეს **კრედიტის, საგანგებო ავანსი ან/და ოვერდრაფტის** ის მხოლოდ განსაზღვრავს **კრედიტის, საგანგებო ავანსის ან/და ოვერდრაფტის** მინიმალურ წინაპირობებს და არეგულირებს **კრედიტის, საგანგებო ავანსის ან/და**

ოვერდრაფტის გაცემის საფუძველზე **ბანკსა და მსესხებელს** შორის წარმოშობილ ურთიერთობებს.

3.1.3. **მსესხებლის ანგარიშზე საგანგებო ავანსის** რეგისტრაცია ხდება მხოლოდ იმ შემთხვევაში, თუ **მსესხებლის** მიერ **საგანგებო ავანსის** გააქტიურებიდან არაუგვიანეს მომდევნო კალენდარული დღის ბოლომდე მოხდა **საგანგებო ავანსის** ფარგლებში ბარათზე ხელმისაწვდომი ნაშთიდან ნებისმიერი ოდენობის თანხით სარგებლობა.

3.1.4. თუ განხორციელდა **საგანგებო ავანსის** რეგისტრაცია, მაგრამ არ განხორციელდა **საგანგებო ავანსის** მთლიანი ლიმიტით სარგებლობა, აუთიციტელები თანხა აქტიური იქნება მისი (**საგანგებო ავანსის**) გააქტიურებიდან სამუდავათო პერიოდის განმავლობაში (განსაზღვრულია **ხელშეკრულების #1 დანართით**). აღნიშნული ვადის გასვლის შემდეგ **საგანგებო ავანსის** აუთიციტელები თანხა უქმდება.

3.2. **კრედიტის და მასთან დაკავშირებული გადასახდელების დაფარვის წესი**

3.2.1. **მსესხებელი** ვალდებულია **ხელშეკრულებით** (მათ შორის **ელექტრონული განაცხადით**) განსაზღვრულ ვადაში და პერიოდულობით, ათვისებული **კრედიტის ან/და მასთან** დაკავშირებული **გადასახდელების** დაფარვის მიზნით, **კრედიტის მომსახურე ანგარიშზე** განათავსოს საკმარისი თანხა, რომელსაც **ბანკი** დაბლოკავს, უაქცეპტოდ ჩამოჭრის და მიმართავს **ბანკის** წინაშე არსებული **მსესხებლის** დავალიანების დასაფარად/შესამციტებლად.

3.2.2. იმ შემთხვევაში, თუ **კრედიტის ან/და მასთან** დაკავშირებული **გადასახდელების** გადახდის დღეს **მსესხებელი კრედიტის მომსახურე ანგარიშზე** არ განათავსებს საკმარის თანხას, **მსესხებელი** აცხადებს წინასწარ თანხმობას **ბანკის** სრულ უფლებამოსილებაზე **ბანკს** საკუთარი შეხედულებებისა და **კრედიტის** განხორციელოს **ბანკში** **მსესხებლის ანგარიშზე** არსებული თანხების სრული ან/და ნაწილობრივი ბლოკირება; ან/და

3.2.2.2. **მსესხებლის** ნებისმიერი სახის **ბანკში** არსებული **ანგარიშიდან** უაქცეპტოდ ჩამოჭრის ყველა გადასახდელი (მათ შორის ერთმნიშვნელოვნად **კრედიტის ან/და მასთან** დაკავშირებული **გადასახდელების** თანხები) და მიმართოს არსებული ფულადი ვალდებულებების დასაფარად/შესამციტებლად; ან/და

3.2.2.3. თუ გადასახდელი და **ანგარიშზე** რიცხული თანხა სხვადასხვა ვალდებულება, **ბანკმა** თავად განახორციელოს კონკრეტული გადახდის თარიღისათვის **ბანკში** მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოჭრის **მსესხებლის ანგარიშიდან**.

3.2.3. ნებისმიერი გადახდილი თანხა ჩაითვლება ზუსტად შესრულებულ ვალდებულებად, თუ **ხელშეკრულებით** გათვალისწინებული გადასახდელი თანხები გადახდილია **ხელშეკრულებით** გათვალისწინებულ ვადებში. თუ **ხელშეკრულებით** დადგენილი ვადების დღე წარმოადგენს არასაბანკო დღეს, გადახდა უნდა განხორციელდეს მომდევნო **საბანკო დღეს**.

3.2.4. **კრედიტის და მასთან დაკავშირებული გადასახდელების** დაფარვის თანმიმდევრობა შემდეგია: პირველ რიგში იფარება **კრედიტის დეფოლტის** ერთჯერადი **პირგასამტეხლო** (ასეთის არსებობისას); შემდეგ **კრედიტის** ვადაგადაცილების ერთჯერადი **პირგასამტეხლო** (ასეთის არსებობისას); **კრედიტის** ვადაგადაცილების ყოველდღიური **პირგასამტეხლო** (ასეთის არსებობისას); **კრედიტის** პროლანგაციის **საკომისიო** (ასეთის არსებობისას); **კრედიტის** მომსახურების **საკომისიო** (ასეთის არსებობისას) და ბოლოს **კრედიტის** ძირითადი თანხა. აღნიშნული რიგითობა შეიძლება შეიცვალოს **ბანკის** შეხედულებით ნებისმიერ დროს.

3.3. **ოვერდრაფტის და მასთან დაკავშირებული გადასახდელების დაფარვის წესი**

3.3.1. **მსესხებელმა ხელშეკრულებით** გათვალისწინებული **ოვერდრაფტის** თითოეულ ჯერზე სრულად ან ნაწილობრივ ათვისებიდან 70 (სამოცდაათი) კალენდარული დღის ვადაში უნდა უზრუნველყოს **ხელშეკრულებით** დადგენილი ნებისმიერი დავალიანების (მათ შორის **ოვერდრაფტის** ძირითადი თანხის, **ოვერლიმიტის** (ასეთის არსებობისას), **პირგასამტეხლოს** (ასეთის არსებობისას), **საკომისიოს** (ასეთის არსებობისას), დარიცხული **პროცენტის**) სრულად დაფარვა ისე, რომ **ანგარიშის** ბალანსი, რომელზეც დაშვებულია **ოვერდრაფტი** იყოს ნულის ტოლი ან მეტი. ამ მოთხოვნის შესრულებლობის შემთხვევაში **ბანკს** უფლება აქვს ცალმხრივად შეაჩეროს **მსესხებლისათვის ოვერდრაფტის** მოქმედება;

3.3.2. თუ, **მსესხებელი** სრულად შეასრულებს **სტანდარტული პირობების** 3.8.1 ქვეპუნქტში აღნიშნული პირობის დარღვევის შედეგად **ბანკის** წინაშე წარმოშობილ ვალდებულებებს და გადაიხდის **ოვერდრაფტის** ხელახალი გააქტიურების **საკომისიოს** (ასეთის არსებობისას), **მსესხებლის** მოთხოვნის შემთხვევაში, **ბანკი** უფლებამოსილია ხელახლა გააქტიუროს **მსესხებელს ოვერდრაფტი**;

3.3.3. **ოვერდრაფტის** ხელახალი გააქტიურების **საკომისიო** (ასეთის არსებობისას) ქვემდებარება გადახდას **ოვერდრაფტის** ხელახალი გააქტიურების თარიღისათვის;

3.3.4. **ხელშეკრულებით** განსაზღვრულ შემთხვევებში **თანხის გადახარჯვის/ოვერლიმიტის** წარმოშობისას, **ოვერლიმიტის** თანხას დაერიცხება **ბანკის** მიერ განსაზღვრული **პროცენტი** და **ოვერლიმიტის** დაფარვა განხორციელდება **ხელშეკრულებით ოვერდრაფტისათვის** განსაზღვრული წესით.

3.3.5. **ოვერდრაფტის** და **პროცენტის** დაფარვა განხორციელდება **ხელშეკრულებით** დადგენილ ვადაში შემდეგი თანმიმდევრობით: პირველ რიგში იფარება **ოვერლიმიტის პირგასამტეხლო** (ასეთის არსებობისას), **ოვერლიმიტზე** დარიცხული **პროცენტი** და ბოლოს - **ოვერლიმიტის** ძირითადი თანხა, შემდეგ

ოვერდრაფტის საკომისიო (ასეთის არსებობისას), **ოვერდრაფტის პირგასამტეხლო** (ასეთის არსებობისას), **ოვერდრაფტზე** დარიცხული **პროცენტი** და ბოლოს - **ოვერდრაფტის** ძირითადი თანხა, აღნიშნული რიგითობა შეიძლება შეიცვალოს **ბანკის** შეხედულებით;

3.3.6. **ოვერდრაფტის** დამტკიცების **საკომისიო** (ასეთის არსებობის შემთხვევაში) გადაიხდება **ოვერდრაფტის** თანხიდან წინასწარ, **ოვერდრაფტის** გაცემისას;

3.4 სააგანგებო ავანსის და მასთან დაკავშირებული გადასახდებულები დაფარვის წესი

3.4.1. **სააგანგებო ავანსის** ერთჯერადი გააქტიურების საკომისიო (ასეთის არსებობისას) გადაიხდება **მსესხებლის ანგარიშიდან** წინასწარ, **სააგანგებო ავანსის** დარეგისტრირებისას;

3.4.2. **სააგანგებო ავანსის** გააქტიურებიდან განსაზღვრული დღეების (დღეების როდენობა დგინდება ინდივიდუალურად ყოველი **მსესხებლისათვის**) განმავლობაში **მსესხებლის** მიერ **სააგანგებო ავანსის** ათვისებულ თანხაზე მოქმედებს საშუალო პერიოდი და მას (ათვისებულ თანხას) აღნიშნული პერიოდის განმავლობაში არ ერიცხება **პროცენტი**.

3.4.3. **მსესხებლის ანგარიშზე** ჩარიცხული ნებისმიერი თანხიდან პირველ რიგში დაიფარება **სააგანგებო ავანსის პროცენტი** (ასეთის არსებობისას), დავალიანება **სააგანგებო ავანსის** გააქტიურების ერთჯერადი **საკომისიოს** მიხედვით (ასეთის არსებობისას) და ბოლოს **სააგანგებო ავანსის** ძირითადი თანხა. აღნიშნული რიგითობა შეიძლება შეიცვალოს **ბანკის** შეხედულებით;

3.4.4. **სააგანგებო ავანსის** ძირითადი თანხა, **სააგანგებო ავანსის** გააქტიურების ერთჯერადი **საკომისიო** და დარიცხული **პროცენტი** (ასეთის არსებობისას) გადაიხდება ექვემდებარება იძულებითი ან **მსესხებლის** მიერ ნებაყოფლობითი წესით აღსრულების მომენტისათვის გაანგარიშებული თანხით, არსებული დავალიანების დაფარვის მიზნით.

3.5 მონიტორინგი და ინფორმაციის წარდგენის წესი

3.5.1. **მსესხებელი** ვალდებულია **ბანკის** მიერ დადგენილ პირობების (მათ შორის ვადა, ფორმა და ა.შ.) შესაბამისად სრულად წარუდგინოს **ბანკს** მის მიერ მოთხოვნილი ინფორმაცია.

3.5.2. **ბანკი** უფლებამოსილია უაქცეპტოდ (**მსესხებლის** თანხმობის გარეშე) გადაიყვანოს **მსესხებელი** გამკაცრებული მონიტორინგის რეჟიმში, რაც გულისხმობს **ბანკის** სრულ უფლებამოსილებას, მიაღწიოს მისი წარმომადგენელი **მსესხებელთან** და რეალური შემოსავლების მონიტორინგის საფუძველზე მიიღოს **ბანკის** კუთვნილი თანხები ერთიანად ან ნაწილ-ნაწილ. ასეთ შემთხვევაში, **მსესხებელი** ვალდებულია დაუყოვნებლივ უზრუნველყოს **ბანკის** წარმომადგენლის დამგება უზრუნველყოფის ხელშეკრულებით გათვალისწინებული ქონების (ასეთის არსებობის შემთხვევაში) შესაძენებლად ან/და **მსესხებლის** ფინანსური მდგომარეობის შესასწავლად.

4. კრედიტის, ოვერდრაფტის პროლონგირება

4.1. კრედიტის პროლონგირება

4.1.1. **მსესხებელი** აღიარებს და აცხადებს თანხმობას, რომ **კრედიტის** პროლონგირებაზე თანხმობის განცხადება დამოკიდებულია მხოლოდ **ბანკის** ნებაზე. **ბანკი** ყოველ კონკრეტულ შემთხვევაში განიხილავს **მსესხებლის** თხოვნას და დამოუკიდებლად წყვეტს მას. **ხელშეკრულება** არ ავალდებულებს **ბანკს** ნებისმიერ შემთხვევაში მოახდინოს **კრედიტის** პროლონგირება, ის მხოლოდ განსაზღვრავს **კრედიტის** პროლონგირების მინიმალურ წინაპირობებს და არაეულებს **კრედიტის** პროლონგირების საფუძველზე **ბანკსა** და **მსესხებელს** შორის წარმოშობილ ურთიერთობებს.

4.1.2. **კრედიტის** მოქმედების ვადის ამოწურვის დღეს, თუ შესრულებულია **ხელშეკრულებით** გათვალისწინებული ყველა პირობა, **მსესხებლის** მიმართვის საფუძველზე და **მხარეთა** შორის **კრედიტის** მოქმედების ვადის გაგრძელების თაობაზე შეთანხმების ხელმოწერისას **ბანკი** უფლებამოსილია გააგრძელოს **კრედიტის** მოქმედების ვადა. **კრედიტის** პროლონგირებისას **ხელშეკრულების** პირობები რჩება უცვლელი.

4.1.3. **კრედიტის** მოქმედების ვადის ბოლოს დასაშვებია **კრედიტის** პროლონგაცია იმ პირობით, რომ **მსესხებლის** მიერ სრულად არის გადახდილი **კრედიტის** მომსახურების **საკომისიო**, მასთან დაკავშირებული გადასახდებულები (ასეთების არსებობისას) და **მსესხებელსა** და **ბანკს** შორის ხელმოწერილი იქნება შეთანხმება **კრედიტის** მოქმედების ვადის გაგრძელების თაობაზე;

4.1.4. **კრედიტის** პროლონგაცია დასაშვებია რაოდენობის (განსაზღვრულია **ხელშეკრულების #1 დანართით**) ამოწურვის შემდეგ **მსესხებელი** ვალდებულია სრულად დაფაროს **კრედიტი**, **კრედიტის** მომსახურების **საკომისიო** და **მასთან დაკავშირებული გადასახდებულები** (ასეთების არსებობისას);

4.1.5. **კრედიტის** პროლონგირების დროს, **მსესხებელი** ვალდებულია სრულად გადაიხადოს **კრედიტის** პროლონგაციის **საკომისიო**, რის შემდეგაც **კრედიტის** მოქმედების ვადა გრძელდება **ხელშეკრულების** თავდაპირველი პერიოდით.

4.2. ოვერდრაფტის პროლონგირება

4.2.1. **მსესხებელი** აღიარებს და აცხადებს თანხმობას, რომ **ოვერდრაფტის** პროლონგირებაზე თანხმობის განცხადება დამოკიდებულია მხოლოდ **ბანკის** ნებაზე. **ბანკი** ყოველ კონკრეტულ შემთხვევაში განიხილავს **მსესხებლის** თხოვნას და დამოუკიდებლად წყვეტს მას. **ხელშეკრულება** არ ავალდებულებს **ბანკს** ნებისმიერ შემთხვევაში მოახდინოს **ოვერდრაფტის** პროლონგირება, ის მხოლოდ

განსაზღვრავს **ოვერდრაფტის** პროლონგირების მინიმალურ წინაპირობებს და არაეულებს **ოვერდრაფტის** პროლონგირების საფუძველზე **ბანკსა** და **მსესხებელს** შორის წარმოშობილ ურთიერთობებს.

4.2.2. **ოვერდრაფტის** პროლონგაცია განხორციელდება ავტომატურად, თუ **მსესხებელი** **ოვერდრაფტის** მოქმედების ვადის ამოწურვამდე 14 (თოთხმეტი) კალენდარული დღით ადრე წინასწარ არ აცნობებს **ბანკს** **ხელშეკრულების** სრულად ან ნაწილობრივ შეწყვეტის შესახებ.

5. პროცენტის დარიცხვის და შეცვლის წესი

5.1. **ბანკი** უფლებამოსილია, საკუთარი შეხედულებისამებრ, **მსესხებლისათვის** წინასწარ 30 (ოცდაათი) კალენდარული დღით ადრე გაგზავნილი შეტყობინების საფუძველზე, ცალმხრივად (**მსესხებლის** დამატებითი თანხმობის გარეშე) შეცვალოს **ხელშეკრულებით** შეთანხმებული **პროცენტის** მოცულობა, ახალი საპროცენტო განაკვეთი დაირიცხება ცვლილებ(ებ)ის ამოქმედების დღიდან.

5.2. თუ **მსესხებელი** არ დაეთანხმება **ბანკის** მიერ შეცვლილ საპროცენტო განაკვეთს, იგი ვალდებულია ცვლილებების ძალაში შესვლამდე წერილობით აცნობოს აღნიშნულის შესახებ **ბანკს** და სრულად დაფაროს **ბანკის** მიმართ არსებული დავალიანება **სტანდარტული პირობებით** დადგენილი წესის შესაბამისად, წინააღმდეგ შემთხვევაში ჩათვლება, რომ **მსესხებელი** ეთანხმება განხორციელებულ ცვლილებებს.

5.3. **პროცენტის** განაკვეთის **მსესხებლის** სასარგებლოდ შეცვლა ან/და **ბანკის** ინიციატივით შემცირებული **პროცენტის** გავრცელება თავდაპირველად არსებული განაკვეთის მოცულობის ფარგლებში არ საჭიროებს მის დამატებით აქცეპტს ან/და **ბანკის** მიერ **მსესხებლისათვის** დამატებითი შეტყობინების გაგზავნას.

5.4. **ბანკის** მიერ შეცვლილი **პროცენტის** დარიცხვა დაიწყება ცვლილებ(ებ)ის ამოქმედების დღიდან.

5.5. საშუალო პერიოდის გავლის შემდეგ **სააგანგებო ავანსის** ნებისმიერი ათვისებული თანხა უქმდება, ხოლო **სააგანგებო ავანსის** ათვისებული თანხის ფარგლებში **ბანკი** უფლებამოსილია **მსესხებლის** მიერ ათვისებულ **სააგანგებო ავანსის** თანხას დაარციხოს **პროცენტს**.

6. უზრუნველყოფის საშუალებები

6.1. **ბანკი** უფლებამოსილია ნებისმიერ დროს მოთხოვოს **მსესხებელს** **ხელშეკრულებიდან** გამომდინარე ვალდებულებ(ებ)ის უზრუნველყოფა. ასეთი მოთხოვნის შემთხვევაში, **მსესხებელი** ვალდებულია:

6.1.1. **ბანკის** მიერ დადგენილ ვადაში, **ბანკს** დასატვირთად გადასცეს ქონება ან წარმოადგინოს ვალდებულებების შესრულების უზრუნველყოფის, რომელიმე სხვა **ბანკისათვის** მისაღები საშუალება;

6.1.2. უზრუნველყოფის საშუალებებზე, **ბანკის** მიერ განსაზღვრულ ვადაში და პირობებით, გაფორმოს შესაბამისი უზრუნველყოფის ხელშეკრულებები.

6.2. თუ **ხელშეკრულებით** ან/და მის საფუძველზე გაფორმებული უზრუნველყოფის ხელშეკრულებით განსაზღვრული **მსესხებლის** რომელიმე ვალდებულება თავისი შინაარსით, საჭიროებს **კანონმდებლობით** განსაზღვრულ რეესტრში რეგისტრაციას, **მსესხებელი** იღებს ვალდებულებას **ხელშეკრულების** ან/და შესაბამისი უზრუნველყოფის ხელშეკრულების ხელმოწერის თარიღიდან 15 (თხუთმეტი) კალენდარული დღის ვადაში უზრუნველყოფის აღნიშნული ვალდებულებ(ებ)ის რეგისტრაცია შესაბამის რეესტრში. ამასთან, **მსესხებლის** წინააღმდეგ ვალდებულება არ გამოირცხავს, ზემოაღნიშნულ 15 (თხუთმეტი) კალენდარული დღის ვადაში **ბანკის** უფლებას ან ზემოაღნიშნული ვადის გასვლის შემდეგ **მსესხებლის** და **ბანკის** უფლებებს ერთობლივად ან ცალ-ცალკე უზრუნველყონ **მსესხებლის** ზემოსხსენებული რომელიმე ვალდებულების რეგისტრაცია შესაბამის რეესტრში.

6.3. **მსესხებლის** მიერ ამ მუხლით დადგენილი ვალდებულების დარღვევის შემთხვევაში **ბანკი** უფლებამოსილია:

6.3.1. მოითხოვოს **კრედიტის** თანხის, **სააგანგებო ავანსის** ან/და **ოვერდრაფტის/ოვერლიმიტის** (მათ შორის **ხელშეკრულებიდან** გამომდინარე ნებისმიერი დავალიანების - **პირგასამტეხლოს**, **საკომისიოს**, დარიცხული **პროცენტის**) ვადადელი დაფარვა; ან/და

6.3.2. უარი განაცხადოს **კრედიტის** თანხის, **სააგანგებო ავანსის** ან/და **ოვერდრაფტის** დაშვებაზე/გაცემაზე და შეწყვიტოს/გააუქმოს **ხელშეკრულება** - თუ **ოვერდრაფტი** ან მისი რომელიმე ნაწილი არ არის დაშვებული (გააქტიურებული).

7. მხარეთა პასუხისმგებლობა

7.1. **მსესხებელი** იღებს ვალდებულებას მის მიერ **ხელშეკრულებით** ნაკისრი ნებისმიერი ვალდებულების დარღვევისათვის გადაუხადოს **ბანკს** ყოველდღიური **პირგასამტეხლო** თითოეული დარღვეული ვალდებულების სრულად და ჯეროვანდ შესრულებამდე ყოველი ვადაგადაცილებული დღისათვის (სრული ან არასრული) **ხელშეკრულების #1 დანართით** განსაზღვრული ოდენობით.

7.2. **მხარეები** იღებენ ვალდებულებას აუნაზღაურონ ერთმანეთს მათ მიერ **ხელშეკრულების** შესრულებლობის ან არაჯეროვნად შესრულების შედეგად მიყენებული ზიანი (ზარალი) **კანონმდებლობით** ან/და **ხელშეკრულებით** დადგენილი წესით.

7.3. მიუხედავად სტანდარტული პირობების 6.1. პუნქტით განსაზღვრული გარანტიის, მსესხებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების უზრუნველსაყოფად, მსესხებელი აცხადებს წინასწარ თანხმობას **ბანკის** სრულ უფლებამოსილებაზე, **ბანკმა** საკუთარი შეხედულებისამებრ:

7.3.1. განახორციელოს **ბანკში მსესხებლის ანგარიშზე** არსებული თანხების სრული ან/და ნაწილობრივი ბლოკირება;

7.3.2. **მსესხებლის** ნებისმიერი სახის **ბანკში** არსებული **ანგარიშიდან** უაქცეპტოდ ჩამოწეროს ყველა გადასახდელი (მათ შორის ერთმნიშვნელოვნად კრედიტის/საგანგებო ავანსის/ოვერდრაფტის/ოვერლიმიტის თანხა, პროცენტი, საკომისიო, პირგასამტებლო, ზიანის/ზარალის ანაზღაურების თანხები და სხვა) და მიმართოს არსებული ფულადი ვალდებულებების დასაფარად/შესამცივებლად;

7.3.3. თუ გადასახდელი და **ანგარიშზე** რიცხული თანხა სხვადასხვა ვალუტაშია, **ბანკმა** თავად განახორციელოს კონვერტაცია გადახდის თარიღისათვის **ბანკში** მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოწეროს **მსესხებლის ანგარიშიდან**;

7.3.4. **ბანკის** წინაშე არსებული **მსესხებლის** ვალდებულებები გაქვითოს **მსესხებლის** წინაშე არსებულ **ბანკის** ნებისმიერ ვალდებულებასთან.

7.3.5. **ოვერლიმიტის** ხარჯზე, უაქცეპტოდ ჩამოწეროს ყველა გადასახდელი (მათ შორის ერთმნიშვნელოვნად **საკომისიო** (ასეთის არსებობისას), **პირგასამტებლო** (ასეთის არსებობისას), ზიანის/ზარალის ანაზღაურების თანხები (ასეთის არსებობისას) და სხვა) და მიმართოს არსებული ფულადი ვალდებულებების დასაფარად/შესამცივებლად.

7.4. ზიანის/ზარალის (ასეთის არსებობისას) ანაზღაურება, მათ შორის **საკომისიოს** (ასეთის არსებობისას) ან/და **პირგასამტებლოს** (ასეთის არსებობისას) გადახდა არ ათავისუფლებს **მსესხებელს ხელშეკრულებით** ნაკისრი ვალდებულებების სრულად და ჯეროვნად შესრულებას (მათ შორის **კრედიტის/საგანგებო ავანსის/ოვერდრაფტის** დაფარვისაგან), ამასთან **პირგასამტებლოს** (ასეთის არსებობისას) დარიცხვა გაგრძელდება **ხელშეკრულების** შეწყვეტის შემდგომაც, **მსესხებლის** მიერ არსებული ვალდებულების სრულად და ჯეროვნად შესრულებამდე.

7.5. **ბანკი** არ არის პასუხისმგებელი ნებისმიერი სახელმწიფო, ადმინისტრაციული ან/და სხვა უფლებამოსილი პირების მიერ **ანგარიშზე** დაწესებული შეზღუდვებზე (მათ შორის ერთმნიშვნელოვნად ინკასო, ყადაღა და სხვა) რის შედეგადაც **მსესხებელი** ვერ უზრუნველყოფს მის მიერ **ხელშეკრულებით** ნაკისრი ვალდებულებების სრულ და ჯეროვნად შესრულებას. ამასთან, **მსესხებელი** ადასტურებს, რომ აღნიშნული გარემოებები არ წარმოადგენს **ხელშეკრულებით** ან/და **კანონმდებლობით** განსაზღვრული **ბანკის** უფლებების შეზღუდვის ან/და **მსესხებლის** მიერ **ხელშეკრულებით** ან/და **კანონმდებლობით** ნაკისრი ვალდებულებების შესრულებისაგან გათავისუფლების საფუძველს.

8. ხელშეკრულების მოქმედება და შეწყვეტა

8.1. **ხელშეკრულება** ძალაში შედის **მსესხებლის** მიერ **ბანკისათვის ელექტრონული განაცხადის** საფუძველზე შესაბამისი მოთხოვნის წარდგენის და **ბანკის** მიერ აღნიშნული ელექტრონული განაცხადის ნებისმიერი ფორმით დათანხმების/წარმოებაში მიღების მომენტიდან და მოქმედებს **ელექტრონულ განაცხადში** მითითებული ვადით. **ბანკის** მიერ **მსესხებლისათვის კრედიტით, საგანგებო ავანსით ან/და ოვერდრაფტით** სარგებლობის შესაძლებლობის მიცემა წარმოადგენს **მსესხებლის ელექტრონულ განაცხადზე** **ბანკის** თანხმობის დადასტურებას.

8.2. **ხელშეკრულებით** ან/და **კანონმდებლობით** განსაზღვრულ შემთხვევებში და პირობებით შესაძლებელია **ხელშეკრულების** ვადამდე სრულად ან ნაწილობრივ შეწყვეტა:

8.2.1. **ბანკის** მიერ, თუ **მსესხებელი** სრულად და ჯეროვნად არ შესრულებს **ხელშეკრულებით** განსაზღვრულ ნებისმიერ ვალდებულებას (მათ შორის, ფულად ვალდებულებებს, განცხადებებს და გარანტიებს, ნებისმიერ პირობას ან/და სხვა ვალდებულებას);

8.2.2. **ბანკის** მიერ, იმ შემთხვევაში, თუ:

8.2.2.1. ნებისმიერი უფლებამოსილი ორგანო **მსესხებელს** ჩამოართმევს ქონებას ან/და სხვა აქტივებს ან/და მის მნიშვნელოვან ნაწილს ან/და მოახდენს მის ნაციონალიზაციას ან/და ექსპროპრიაციას;

8.2.2.2. **მსესხებლის** ან/და უზრუნველყოფის საგნის მესაკუთრის (ასეთის არსებობის შემთხვევაში) მიმართ სახელმწიფო ან/და მსგავსი უფლებამოსილების მქონე ორგანოს მიერ მიღებული იქნება გადაწყვეტილება ან/და გამოყენებული იქნება ღონისძიება, რომელიც არსებითად გაართულებს ან/და შეუძლებელს გახდის **მსესხებლის** ან/და უზრუნველყოფის საგნის მესაკუთრის (ასეთის არსებობის შემთხვევაში) მიერ საკუთარი ქონების განკარგვას;

8.2.2.3. თუ სასამართლოს, არბიტრაჟის, ადმინისტრაციული ორგანოს გადაწყვეტილების ან სახელმწიფოს ნორმატიული ან/და ინდივიდუალური ადმინისტრაციულ-სამართლებრივი აქტის საფუძველზე ან/და სხვა ფორმით მესაკუთრის ნებისაგან დამოუკიდებლად საფრთხე ემუქრება საკუთრების უფლებას უზრუნველყოფის საგანზე (ასეთის არსებობის შემთხვევაში);

8.2.2.4. ქვეყანაში არსებული ეკონომიკური სიტუაცია გაუარესდება ან/და **ბანკი** დაადგენს, რომ არსებული საბაზრო პირობები მნიშვნელოვან საფრთხეს უქმნის **მსესხებლის** გადახდისუნარიანობას;

8.2.2.5. **ბანკი** დაადგენს, რომ **მსესხებლის** ფულადი სახსრების ბრუნვის მდგომარეობა მნიშვნელოვან საფრთხეს უქმნის მისი ფინანსური პროფილის სიჯანსაღეს, **მსესხებლის** საქმიანობას და ექვემდებარება მის მიერ **ხელშეკრულებით** ნაკისრი ვალდებულებების სრულ და ჯეროვნად შესრულებას;

8.2.2.6. **მსესხებელი** შეწყვეტს ან ნებისმიერი სხვა მიზეზით **მსესხებელს** შეუწყვეტა თავის დამსაქმებელთან არსებული შრომითი ურთიერთობა, რომელიც გახდა წინამდებარე **ხელშეკრულების** გაფორმების საფუძველი.

8.2.3. **კრედიტის/საგანგებო ავანსის/ოვერდრაფტის** მოქმედების ვადის ამოწურვისას, იმ შემთხვევაში თუ **მსესხებელს ბანკის** წინაშე არ გააჩნია რაიმე სახის შეუსრულებელი ვალდებულება მათ შორის **კრედიტის თანხის/ოვერდრაფტის/საგანგებო ავანსის** ან/და **მასთან დაკავშირებული გადასახდლების** დავალიანება;

8.2.4. **მხარეთა** წერილობითი შეთანხმებით;

8.2.5. **ხელშეკრულებით** ან/და **კანონმდებლობით** გათვალისწინებულ სხვა შემთხვევებში.

8.3. **ხელშეკრულების** სრულად შეწყვეტის შემთხვევაში:

8.3.1. **მსესხებელი** ვალდებულია დაუყოვნებლივ ან/და **ბანკის** მიერ განსაზღვრული პირობებით, სრულად დაფაროს **ბანკის** წინაშე არსებული ნებისმიერი დავალიანება, მათ შორის ერთმნიშვნელოვნად **კრედიტის/საგანგებო ავანსის/ოვერდრაფტის** ან/და **მასთან დაკავშირებული გადასახდლების** თანხები;

8.3.2. **ბანკი** უფლებამოსილია **ხელშეკრულების** საფუძველზე წარმოშობილი დავალიანება (მათ შორის ერთმნიშვნელოვნად **კრედიტის/საგანგებო ავანსის/ოვერდრაფტის** ან/და **მასთან დაკავშირებული გადასახდლების** თანხები) დაფაროს **ბანკში** არსებული **მსესხებლის** ნებისმიერი სახის უზრუნველყოფილი კრედიტის თანხ(ებ)იდან. **ბანკის** მოთხოვნის შემთხვევაში, **მსესხებელი** ვალდებულია ხელი მოაწეროს ნებისმიერ დოკუმენტს, რასაც **ბანკი** მიიჩნევს საჭიროდ წინამდებარე პუნქტში აღწერილი ქმედების სრულად და ჯეროვნად შესასრულებლად, წინააღმდეგ შემთხვევაში წინამდებარე პუნქტი და **ხელშეკრულების** სხვა შესაბამისი პუნქტები მიჩნეული იქნება, როგორც ცვლილება შესაბამის უზრუნველყოფილი კრედიტის ხელშეკრულება(ებ)ში და **ბანკი** უფლებამოსილი იქნება **ხელშეკრულების** საფუძველზე წარმოშობილი დავალიანება (მათ შორის ერთმნიშვნელოვნად **კრედიტის/საგანგებო ავანსის/ოვერდრაფტის** ან/და **მასთან დაკავშირებული გადასახდლების** თანხები) სრულად გადაფაროს უზრუნველყოფილი კრედიტის მეშვეობით;

8.3.3. **ბანკი** უფლებამოსილია დაიწყოს იძულებითი აღსრულების მიქცევა უზრუნველყოფის საგანზე (ასეთის არსებობისას) იმ შემთხვევაში, თუ უზრუნველყოფის საგნ(ებ)ის რეალიზაციიდან მიღებული თანხა საკმარისი არ არის **ხელშეკრულებით** გათვალისწინებული ვალდებულებების სრულად დაფარვისათვის (მათ შორის ერთმნიშვნელოვნად **კრედიტის/საგანგებო ავანსის/ოვერდრაფტის** ან/და **მასთან დაკავშირებული გადასახდლების** თანხების გადახდისათვის), **მსესხებელს** დაეკისრება პასუხისმგებლობა დარჩენილი დავალიანების ნაშთზე. იგივე პირობა ვრცელდება იმ ხარჯებზე, რაც შეიძლება წარმოიშვას **ბანკის** მიერ უზრუნველყოფის საგნების რეალიზაციის პროცესში;

8.3.4. **ბანკი** თავისუფლდება **მსესხებლის** წინაშე არსებული ნებისმიერი ვალდებულების შესრულებისაგან.

8.4. **ხელშეკრულების** სრულად ან ნაწილობრივ შეწყვეტა არ ათავისუფლებს **მსესხებელს ხელშეკრულებით** ნაკისრი ან/და **კანონმდებლობით** დადგენილი ვალდებულებების სრულად და ჯეროვნად შესრულებისაგან (გადახდისაგან) ამგვარი ვალდებულების იძულებითი ან ნებაყოფლობითი შესრულების მომენტამდე.

8.5. თუ **ხელშეკრულების** სრულად ან ნაწილობრივ შეწყვეტის შედეგები (მათ შორის პასუხისმგებლობა) არ არის გათვალისწინებული **ხელშეკრულებით**, მათში **მხარეები** იხელმძღვანელებენ შესაბამისი **კანონმდებლობით**.

9. მარეგულირებელი კანონმდებლობა და დავების გადაწყვეტა

9.1. წინამდებარე **ხელშეკრულება** რეგულირდება და განიმარტება საქართველოს კანონმდებლობის შესაბამისად.

9.2. ნებისმიერი დავა, წინააღმდეგობა ან საჩივარი, რომელიც წარმოიშობა ან შეეხება **ხელშეკრულების** ნებისმიერ დარღვევას, მოგვარდება **მხარეებს** შორის მოლაპარაკების საფუძველზე.

9.3. დავის მოუგვარებლობის შემთხვევაში, **მხარეები** მიმართავენ სასამართლოს **ბანკის** იურიდიული მისამართის მიხედვით. ამასთან, **მხარეები** თანხმდებიან, რომ დავასთან დაკავშირებით პირველი ინსტანციის სასამართლოს მიერ **ბანკის** სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.

10. ბანკში პრეტენზიის წადგენის წესი

10.1. **მსესხებელი** უფლებამოსილია, გაწეულ საბანკო მომსახურებასთან დაკავშირებით პრეტენზიის არსებობის შემთხვევაში 30 (ოცდაათი) კალენდარული დღის განმავლობაში აცნობოს **ბანკს** აღნიშნულის შესახებ ზეპირი ან წერილობითი ფორმით **ბანკის** ფილიალის ან/და სერვის-ცენტრების საშუალებით ან/და

ელექტრონული ფოსტით შემდეგ ელექტრონულ მისამართზე:
pretenzia@libertybank.ge ბანკში დადგენილი პროცედურის შესაბამისად.

10.2. ბანკის მიერ პრეტენზიის განხილვის და შესაბამისი პასუხის მიღების
მასშტაბური ვადა შეადგენს 30 (ოცდაათი) კალენდარულ დღეს.

10.3. მსესხებელს შესაძლებლობა აქვს გაეცნოს ბანკის მიერ პრეტენზიების
განხილვის პროცედურას ბანკის ვებ-გვერდის www.libertybank.ge საშუალებით.

11. კომუნიკაცია

11.1. მხარეთა შორის ნებისმიერი ურთიერთობა უნდა განხორციელდეს
წერილობით ფორმით და მიეწოდოს მხარეს ხელშეკრულებაში ან/და ბანკთან
არსებულ სხვა ხელშეკრულებ(ებ)ში მითითებულ საკონტაქტო მონაცემებზე
პირადად, კურიერის (მათ შორის რეგისტრირებული ფოსტის ან/და სასამართლო
კურიერის), ელექტრონული ფოსტის, ფიჭური კავშირგაბმულობის
(მოკლექტუსტური შეტყობინების), ინტერნეტ-ბანკის, მობილ-ბანკის ან/და ბანკის
მიერ შემდგომში განსაზღვრული კომუნიკაციის სხვა საშუალებებით, იმის
გათვალისწინებით, რომ:

11.1.1. მსესხებლის მიერ ბანკისათვის პირადად ან/და კურიერის საშუალებით
გაგზავნილი შეტყობინება ჩაბარებულად ითვლება ბანკის კანცელარიაში
შეტყობინების რეგისტრაციის დღეს, ხოლო ელექტრონული ფოსტის მისამართზე
გაგზავნილას, ბანკის მიერ მსესხებლისათვის მიღების დამადასტურებელი საპასუხო
ელექტრონული წერილის გაგზავნის დღეს;

11.1.2. ბანკის მიერ მსესხებლისათვის კურიერის (მათ შორის რეგისტრირებული
ფოსტის ან/და სასამართლო კურიერის) საშუალებით გაგზავნილი შეტყობინება
ჩაბარებულად ითვლება მსესხებლისათვის ჩაბარების დღეს, ხოლო აღნიშნული
ჩაბარების დადასტურების არ არსებობის შემთხვევაში მსესხებლის მისამართზე
შეტყობინების ნებისმიერი პირისათვის ჩაბარებიდან მომდევნო კალენდარულ
დღეს;

11.1.3. ბანკის მიერ მსესხებლისათვის ელექტრონული ფოსტის საშუალებით
გაგზავნილი შეტყობინება ჩაბარებულად ითვლება მსესხებლის ელექტრონული
ფოსტის სერვერიდან მიღებული დასტურის (ადრესატის ელექტრონულ ფოსტაში
რეგისტრაციის შესახებ შეტყობინების) გაცემის დღეს, ხოლო ასეთი დასტურის არ
არსებობის შემთხვევაში მომდევნო კალენდარულ დღეს;

11.1.4. ბანკის მიერ მსესხებლისათვის ფიჭური კავშირგაბმულობის
(მოკლექტუსტური შეტყობინების), ინტერნეტ-ბანკის, მობილ-ბანკის ან/და ბანკის
მიერ შემდგომში განსაზღვრული კომუნიკაციის სხვა საშუალებებით გაგზავნილი
შეტყობინება ჩაბარებულად ითვლება შეტყობინების გაგზავნიდან მომდევნო
კალენდარულ დღეს.

11.2. იმ შემთხვევაში თუ მსესხებელი ხელშეკრულებით გათვალისწინებული
ნებისმიერი საკონტაქტო მონაცემის (მათ შორის ხელშეკრულებაში არსებული
ნებისმიერი რეკვიზიტის) ცვლილების შესახებ წინასწარ არ შეატყობინებს ბანკს
ან/და უშუალოდ ან საკონტაქტო პირის საშუალებით უარს განაცხადებს
ხელშეკრულების საფუძველზე გაგზავნილი შეტყობინების მიღებაზე, ბანკის მიერ
განხორციელებული ნებისმიერი ასეთი შეტყობინება ჩაბარებულად
შეტყობინების გაგზავნიდან მომდევნო კალენდარულ დღეს.

12. კონფიდენციალურობა და პირადი ინფორმაცია

12.1. მხარე ვალდებულია, როგორც ხელშეკრულების მოქმედების ვადაში,
ასევე სახელშეკრულებო ურთიერთობის დასრულების შემდეგაც, არ გაამჟღავნოს
ან/და მესამე პირ(ებს) არ გადასცეს კონფიდენციალური ინფორმაცია.

12.2. კონფიდენციალური ინფორმაციას არ განეკუთვნება: (ა) ინფორმაცია
რომელიც კანონმდებლობის საფუძველზე არის/გახდება საჯარო; (ბ) ინფორმაცია,
რომლის გამჟღავნების თაობაზე არსებობს კონფიდენციალური ინფორმაციის
შესაკუთრებ მხარის წინასწარი წერილობითი თანხმობა ან/და მხარეთა შეთანხმება;
(გ) ინფორმაცია, რომლის გამჟღავნებაც განხორციელდება, კანონმდებლობით

გათვალისწინებულ შემთხვევებში, მათ შორის მესამე პირ(ების) კანონიერი
მოთხოვნის დაკმაყოფილების შედეგად.

12.3. მსესხებელი ბანკს ანიჭებს უფლებამოსილებას, ფინანსური ან/და
საინფორმაციო-ანალიტიკური მონაცემების შეგროვების მიზნით, მესამე პირ(ებს)
გადასცეს ან/და მესამე პირ(ებს)საგან (მათ შორის ს.ს.ი.პ. სერვისების განვითარების
სააგენტო, ს.ს. „კრედიტიფო საქართველო“ (საიდენტიფიკაციო კოდი: 204470740)
და სხვა) მიიღოს, მსესხებლის შესახებ არსებული კონფიდენციალური ინფორმაცია.

13. დასკვნითი დებულებები

13.1. თუ ხელშეკრულებით სხვა რამ არ არის განსაზღვრული, ბანკი იტოვებს
უფლებას ნებისმიერ დროს ცალმხრივად შეცვალოს ხელშეკრულებით
გათვალისწინებული პირობები (მათ შორის და არამარტო ხელშეკრულების #1
დანართით განსაზღვრული ტარიფები, კრედიტის, საგანგებო ავანსის ან/და
ოვერდრაფტის მოცულობა და სხვა) იმისათვის, რომ იგი შესაბამისობაში მოვიდეს
ბანკში დადგენილ ახალ წესებთან, შეცვლილ საბაზრო პირობებთან, საბანკო
პრაქტიკასთან ან/და კანონმდებლობასთან.

13.2. მსესხებლის მიერ გადახდილი ნებისმიერი თანხა ჩაითვლება ზუსტად
შესრულებულ ვალდებულებად, თუ ისინი გადახდილია ხელშეკრულებით
დადგენილ თარიღში, ხოლო თუ ეს თარიღი არ ემთხვევა საბანკო დღეს, მაშინ
გადახდა უნდა განხორციელდეს არაუგვიანეს მომდევნო საბანკო დღისა.

13.3. ხელშეკრულების რომელიმე მუხლ(ებ)ის, პუნქტ(ებ)ის ან/და
ქვეპუნქტ(ებ)ის კანონმდებლობის საფუძველზე ბათილად
ცნობის/ძალადაკარგულად გამოცხადების შემთხვევაში დანარჩენი მუხლ(ებ)ი,
პუნქტ(ებ)ი, ქვეპუნქტ(ებ)ი ინარჩუნებენ იურიდიულ ძალას.

13.4. მსესხებელი არ არის უფლებამოსილი ბანკის წინასწარი წერილობითი
თანხმობის გარეშე მესამე პირ(ებს) სრულად ან ნაწილობრივ დაუთმოს
ხელშეკრულებით მინიჭებული უფლებები ან/და ხელშეკრულებით ნაკისრი
ვალდებულებები. ამასთან, ბანკი მიუხედავად აღნიშნული პირობისა
უფლებამოსილია საკუთარი შეხედულებისამებრ მესამე პირ(ებს)საგან მიიღოს
ხელშეკრულებით განსაზღვრული ვალდებულების შესრულება.

13.5. ხელშეკრულების პირობების მოქმედება სრულად ვრცელდება
მხარეებზე მათ თანამშრომლებზე, წარმომადგენლებზე, სამართალმემკვიდრეებსა
და უფლებამონაცვლელებზე.

13.6. ხელშეკრულება რევილირდება და განიმარტება კანონმდებლობის
შესაბამისად. იმ შემთხვევებში, რომლებიც არ არის გათვალისწინებული
ხელშეკრულებით მხარეები იხელმძღვანელებენ კანონმდებლობით დადგენილი
შესაბამისი ურთიერთობის მარეგულირებელი ნორმებით ან/და დამატებით
შეთანხმებული პირობებით. ამასთან, მხარეები თანხმდებიან, რომ ხელშეკრულების
შესრულების ადგილად მიიჩნევა ბანკის იურიდიული მისამართი.

13.7. მსესხებლის მიერ ხელშეკრულებიდან ან/და კანონმდებლობიდან
გამომდინარე ვალდებულებების დარღვევის შემთხვევაში, ბანკის მიერ
უფლებ(ებ)ის გამოუყენებლობა არ წარმოადგენს მოთხოვნის უფლებაზე უარის
თქმის საფუძველს, ამასთან ბანკის მიერ ამგვარი უფლებ(ებ)ის გამოუყენებლობა არ
წარმოადგენს შემდგომში ხელშეკრულების ან/და კანონმდებლობის დარღვევის
შედეგად წარმოშობილ მოთხოვნის უფლებაზე უარის თქმის საფუძველს.

13.8. ხელშეკრულებაში არსებული მუხლ(ებ)ი/პუნქტ(ებ)ი/ქვეპუნქტ(ებ)ი
დანომრილი და დასათავსებულია, ხოლო გამუქებული სიტყვები მოცემულია
ხელშეკრულების შინაარსის მოხერხებულად აღქმის მიზნით და არ ახდენს
გავლენას ხელშეკრულების ინტერპრეტაციაზე.

13.9. ხელშეკრულება შედგენილია ქართულ ენაზე, რომლის სტანდარტული
პირობებიც განთავსებულია ბანკის ვებ-გვერდზე: <http://www.libertybank.ge>. ბანკის
სურვილის შემთხვევაში ხელშეკრულება დამატებით შესაძლოა დაიდოს სხვა
ენაზეც. ამ შემთხვევაში ქართულ ენაზე შედგენილ ხელშეკრულებას და მის
სტანდარტულ პირობებს უპირატესობა მიენიჭება სხვა ენაზე შედგენილ
ხელშეკრულებასთან და მის სტანდარტულ პირობებთან მიმართებაში.

**ელექტრონული არხების საშუალებით მიღებული
კრედიტის/ოვერდრაფტის/საგანგებო ავანსის ხელშეკრულების სტანდარტული პირობების
#1 დანართი – მომსახურების საკომისიოები**

1. სწრაფი სამომხმარებლო კრედიტი „ლიბერთი ექსპრესი“	
კრედიტის მოცულობა და ვალუტა	100 ლარი
კრედიტის მოქმედების ვადა	30 (ოცდაათი) კალენდარული დღე
კრედიტის დამტკიცების საკომისიო	გათვალისწინებული არ არის / 0.00
კრედიტის მომსახურების საკომისიო	15.00 ლარი
კრედიტის პროლონგაციის საკომისიო	5.00 ლარი
კრედიტის პროლონგაციის დასაშვები რაოდენობა	შეუზღუდავი
კრედიტის ვადაგადაცილების ერთჯერადი პირგასამტეხლო	5.00 ლარი
კრედიტის ვადაგადაცილების ყოველდღიური პირგასამტეხლო	0.25 ლარი
კრედიტის დეფოლტში გასვლის ვადა	კრედიტის უწყვეტად ვადაგადაცილებაში ყოფნის პერიოდის მე-60 (სამოცი) დღე
კრედიტის დეფოლტის ერთჯერადი პირგასამტეხლო	10.00 ლარი
კრედიტის ვადაზე ადრე დაფარვის პირგასამტეხლო	გათვალისწინებული არ არის / 0.00
2. ოვერდრაფტი	
ოვერდრაფტის წლიური საპროცენტო განაკვეთი	ინდივიდუალურად
ოვერდრაფტის გააქტიურების/დამტკიცების საკომისიო	გათვალისწინებული არ არის / 0.00
ოვერდრაფტის მომსახურების საკომისიო	გათვალისწინებული არ არის / 0.00
ოვერდრაფტის ხელახალი გააქტიურების საკომისიო	გათვალისწინებული არ არის / 0.00
ოვერდრაფტის ვადაგადაცილების ერთჯერადი/ყოველდღიური პირგასამტეხლო	გათვალისწინებული არ არის / 0.00
3. საგანგებო ავანსი	
საგანგებო ავანსის ვალუტა	ლარი
საგანგებო ავანსის გააქტიურების ერთჯერადი საკომისიო ¹	საგანგებო ავანსის მოცულობის 5.00% დამრგვალებული მეტობით უახლოეს მთელ რიცხვამდე, მინიმუმ 5.00 ლარი
საშეღავათო პერიოდი	საგანგებო ავანსის გააქტიურებიდან 10 (ათი) კალენდარული დღე
საპროცენტო განაკვეთი	წლიური 32.00% საგანგებო ავანსის მოქმედების თითოეულ დღეზე (დარიცხვა იწყება საშეღავათო პერიოდის გასვლისთანავე)

¹ ბანკის შეხედულებისამებრ შესაძლებელია, რომ განხორციელდეს სტანდარტულსაგან განსხვავებული საგანგებო ავანსის გააქტიურების საკომისიოს დარიცხვა ინდივიდუალურად ყოველი კლიენტისთვის – გააქტიურების ზუსტი საკომისიო აისახება ბანკომატის ეკრანზე საგანგებო ავანსის გააქტიურებისას.